

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XVII)12

**SOALAN BERTULIS OLEH AHLI KAWASAN BERTAM
YB. KHALIQ MEHTAB BIN MOHD ISHAQ**

12. Tahap kebersihan kedai makan terutama nasi kandar masih lagi di tahap gred C. Apakah tindakan kerajaan untuk memastikan peniaga-peniaga mengikut peraturan yang telah ditetapkan. Adakah mereka mengikut setiap peraturan yang diwajibkan pada setiap masa dan adakah pemantauan dan penguatkuasaan dilakukan dengan tegas.

**YB. DR. AFIF BIN BAHARDIN
MENJAWAB BAGI PIHAK Y.A.B. KETUA MENTERI**

12. Tindakan yang diambil oleh kerajaan melalui Jabatan Kesihatan Negeri untuk memastikan peniaga-peniaga mengikut peraturan yang telah ditetapkan adalah seperti berikut:
- (a) Pegawai Berkuasa Kementerian Kesihatan Malaysia Jabatan Kesihatan Negeri Pulau Pinang (BKMM JKNPP) bertanggungjawab untuk menjalankan pemeriksaan premis secara rutin semasa operasi jika terdapat aduan;
 - (b) Setiap pengendali makanan diwajibkan untuk mengambil suntikan pelalian *typhoid* serta menghadiri Sekolah Latihan Pengendali Makanan (SLPM);

Commented [1]: <!--tr>
... <th colspan="2" class="text-center">02 OGOS 2018</th>
... </tr-->

- (c) Tindakan penguatkuasaan akan diambil ke atas pengendali-pengendali dan juga pemilik-pemilik premis yang tidak mematuhi Akta Makanan 1983.

Selain itu, tindakan juga diambil oleh Pihak Berkuasa Tempatan bagi memastikan peniaga-peniaga mengikut peraturan yang telah ditetapkan seperti berikut:

- (a) Menjalankan pemeriksaan dan penggredan premis makanan dua (2) kali setahun seperti yang ditetapkan dalam KPI di samping memaklumkan kriteria yang menyebabkan Gred C merangkumi aspek kawalan suhu makanan, keselamatan penyimpanan makanan, penyediaan makanan, pengendali makanan dan langkah-langkah penjagaan premis sebelum, semasa dan selepas operasi;
- (b) Memberi tumpuan kepada premis aduan tinggi dan mengambil tindakan penguatkuasaan / operasi khas terutamanya premis tumpuan awam /pelancong secara berjadual atau operasi bersama agensi terlibat seperti Kementerian Kesihatan Malaysia (KKM), Imigresen dan lain-lain;
- (c) Memberikan suntikan di lapangan ketika operasi premis makanan termasuk di gerai dan pasar malam;
- (d) Menjalankan aktiviti pendidikan kesihatan berbentuk media cetak dan elektronik dengan tema dan ikon baru;
- (e) Memberi khidmat nasihat kepada pengusaha meliputi aspek keselamatan makanan, kebersihan premis dan pengendali makanan;
- (f) Menyediakan kursus asas pengendali makanan kepada pekerja dan pemilik premis makanan;

- (g) Menjalankan penarafan bintang serta pertandingan tandas bersih mengikut kategori seperti restoran, kedai makan dan kompleks makanan milik Majlis Perbandaran Seberang Perai (MPSP). Manakala di Majlis Bandaraya Pulau Pinang (MBPP) mengadakan pertandingan kebersihan premis makanan setiap tahun sempena sambutan Hari Penjaja dan Komuniti Peniaga; dan
- (h) Menjalankan kempen kebersihan premis makanan yang mendapat Gred C bersama Ahli Majlis di daerah Seberang Perai Utara (SPU), Seberang Perai Tengah (SPT) dan Seberang Perai Selatan (SPS) serta jabatan dalaman MPSP di bawah Pasukan Kempen Kebersihan Premis Makanan 2018.

Berdasarkan pemantauan dan pemeriksaan oleh pegawai Pihak Berkuasa Tempatan, didapati masih terdapat premis-premis yang bertaraf Gred C yang tidak mematuhi peraturan yang diwajibkan pada setiap masa. Pemantauan dan penguatkuasaan telah dilaksanakan dengan tegas oleh pihak MBPP dan MPSP seperti berikut :

- (a) Pada tahun 2017 sejumlah 341 kompaun telah dikeluarkan oleh MPSP dan 2651 kompaun dikeluarkan oleh MBPP bagi pelbagai kesalahan kebersihan;
- (b) Bagi tahun 2018 (sehingga Jun) sebanyak 133 kompaun telah dikeluarkan oleh MPSP dan 991 kompaun dikeluarkan oleh MBPP; dan
- (c) Melaporkan kepada Kementerian Kesihatan Malaysia (KKM) untuk tindakan tutup premis yang kotor dan tidak mematuhi notis yang dikeluarkan oleh Pihak Berkuasa Tempatan untuk